

精選陸放翁詩集

放翁詩選

四部叢刊初編集部

上海商務印書館縮印
烏程劉氏藏明弘治本

揀着吟人苦心處吟時較易揀時難大父澗
上翁題趙慶御手寫唐絕句結語也揀詩之
難尚矣人謂刪後無詩非果無性情也特未
有刪手爾族孫壽可以翁所選放翁陸先生
詩刻本撫卷圭復涕淚盈睫悲夫善和書卷
存者僅十一於千百而家藏膏馥蓋流潤人
間寔多有能思叔教而繡諸梓直亢宗事也
第放翁天才豪邁筆勢遒勁屬事比偶不煩
繩削是編若圈若點去取自有深意非後學
所能測識謂之有取於陸集可也謂即此以
定陸集之刪削則未也然此特翁年少游戲
細事爾遺編殘墨尚足得聲梁楚間獨不知
後來一變至道亦有升堂入室而薰善良者
否也手澤在笥願期同志切磋之大德辛丑
立夏日適孫慙百拜謹識

今按舊本此序止為澗谷所選者作

澗谷精選陸放翁詩集目錄

放翁陸游務觀撰
澗谷羅椅子遠選

卷之一

古詩

蜀酒歌

與青城道人飲酒作

夏夜醉後有感

兩中登安福寺塔

怡齋

投梁參政

遊漢州西湖

醉後草書歌詩戲作

追補太液黃鵠歌

晚步

松驥行

春夜讀書感懷

日出入行

夜漏欲盡行渡浮橋至錢清驛待舟

江月歌

和伯子

讀書

卷之二

古詩

偶過浣花感舊遊戲作

步出萬里橋門至江上

夜宿龍華山中寂然無一人方丈前梅花盛

開月下獨觀至中夜

臨別成都帳飲萬里橋贈譚德稱

聽琴

瑞草橋道中作

夜宿陽山磯將曉大雨北風甚勁俄頃行三

百里遂抵鴈翅浦

航海

江樓吹笛飲酒醉中作

長行歌

開歲半月湖村梅開無餘

一百五日行

對酒懷舟陽成都故人

答客

夏白紵二首

故蜀別苑在成都西南十五六里梅至多有

兩大樹天矯若龍相傳謂之梅龍予初至

蜀常爲作詩自此歲常訪之今復賦一首

芳華樓賞梅

遊仙

天王廣教院在叢山東麓予年二十時與老

僧惠迪遊畧無十日不到也淳熙甲辰秋

觀潮海上偶繫舟其門曳杖再遊恍如隔世

登鵝鼻山至絕頂訪秦刻石且北望大海山

路危甚人跡罕至也

十月二十六日夜夢行南鄭道中既覺恍然

攬筆作此詩詩成時已五鼓

卷之三

七言八句

雨晴遊洞宮山坐間復雨

醉中到白崖而歸 深居

題丈人觀道院壁

宿江原縣東十里張氏亭子未明而起

晚登橫溪閣二首 武擔東臺晚望

待青城道士不至 學射道中感事

登劔南西川門感懷

城上

早行

秋晚登城北門

醉中偶書

浣花賞梅

蜀苑賞梅

席上作

客愁

送梅

即席

舟過小孤有感

題齋壁

夜行宿湖頭寺

雪後出遊戲作

村居書觸目

感昔二首

夜半讀書罷出門徙倚久之歸賦短句

寓歎

卷之四

七言八句

柳林酒家小樓

上虞逆旅見舊題感懷

書取

醉歸

自上清廷慶歸過丈人觀少留

躬耕 留題雲門草堂

望江道中

僧房假榻

晚晴聞角有感 六月十四日宿東林寺

夢至成都悵然有作

金陵先寄獻劉留守

書感

西村醉歸

遣興

又

夜歸醉中作

郊行夜歸書觸目

卷之五

七言八句

雨中示子聿

秋雨初霽戲筆

龜堂獨坐遣悶

七十三吟

踏踏

遣興二首

遊近山

數日不出門偶賦

昨非

飽食

久雨

雪中懷成都

贈林使君

冬晚山房書事

得趙若川書因寄

早秋

初夏幽居

遊山西村

作夢

春行

睡起至園中

初春欲散步畏寒而歸

醉題東西酒家二首

書感

初冬

史院晚出

初春書懷

明日復理夢中意作

夏夜

卷之六

七言八句

舟中夜賦

春夏晏病至立秋而愈因自賀

卜築

歲晚

題庵壁

秋懷

舟中作

村居

遣興

病中三君皆有歸志

晚泊松滋渡口

醉鄉

病中作

江樓醉中作

卷之七

七言八句

初春遣興三首

憶昔

二月二十四日作

老甚自詠二

賞花至湖上

東牕小酌

冬莫

泛舟澤中雨夜

書感

寓歎

道室雜詠三首

寄題陳魯山二首

燈下看梅

幽居書事

春晴暄甚遊西市游家園

出縣

寒食臨川道中

晨起偶題

晨起偶題

晨起偶題

晨起偶題

晨起偶題

晨起偶題

晨起偶題

晨起偶題

晨起偶題

初夏道中

春陰

雨中泊趙屯

大寒出江陵西門

過廣安弔張才叔諫議

宿武連縣驛

即事

羅漢驛翠雲亭讀宋景文公詩

成都歲莫始微寒小酌遣興

快晴

暮春

東湖新竹

夏日湖上

寓驛舍

軟竿鎮旱行

寓舍書懷

成都書事

午睡至暮

夜宴

卷之八

七言八句

行武擔西南村落有感

獨飲醉卧覺而夜半

城東馬上作

晚步江上

南定樓遇急雨

涪州

黃鶴樓

吾廬

別建安

登擬岷臺

初寒有感

縱筆

官居

新年

遊鄞

休日行郡圃

夜步

登北榭

七言四句

平陽驛舍梅花

看山

戲題

青村寺

題畫燕

叙州三絕

龍興寺弔少陵先生寓居

過靈石三峯二首 歸州重五

屈平廟

楚城

別建安

卷之九

七言四句

小園

湖上今歲遊人頗盛戲作二首

雜感二首

劔南道中遇微雨

三峽歌五首

春日絕句

閑中自詠

讀經

梅花絕句

雜興

聞鳥聲有感

七月十四夜觀月

巴東遇小雨

雪後尋梅二首

庚子正月十八日送梅二首

采蓮

建安遣興三首

排悶絕句三首

晚興

欲出遇雨

示子聿絕句

初夏絕句

小舟遊近村三首

一壺歌

觀梅至花徑高橋叔解元見尋

雜題二首

雪中忽起從戎之興戲作二首

伏錫平老自都城回見訪索怡靈堂因爲賦

三首

卷之十

五言八句

卽事

溪行

寓歎

峽州甘泉寺

獨立

病中

一室

春晚苦雨

客有見過者既去喟然有作

致仕後述懷

孤村

遊山

春日

醉賦

小園

舟中作

歲晚書懷

野興

雨後涼甚

月夜江濱池納涼

長汀道中

病中作

冒雨登擬岷臺觀江漲

春雨

有叟

六月十四日微雨極涼

夜雨

悶極有作

春晚雜興

自述

梅天

獨夜

遊雲門諸闌若

五言四句

題塋上人剡溪畫路傍曲二首

澗谷精選陸放翁詩集目錄



澗谷精選陸放翁詩集卷之一

放翁陸游

務觀撰

澗谷羅椅

子遠選

古詩十七首

蜀酒歌

漢州鵝黃鸞鳳雖不驚不搏德有餘眉州玻瓈天馬
駒出門已無萬里塗病夫少年夢清都曾賜虛皇碧
琳腴文德殿門辰奏書歸局黃封羅百壺十年流落
狂不除遍走人間尋酒壚青絲玉瓶到處酤鵝黃玻
瓈一滴無安得豪士致連車倒甌不用盃與孟琵琶
如雷聒坐隅不愁渴死老相如

與青城道人飲酒作

君不見太傅晚歲具海舟歸欲極意東山遊翰林偶
脫夜郎謫大醉賦詩黃鶴樓兩賢窮達何足道同是
逸氣橫清秋我無一事行萬里青山白雲聊散愁有
酒不換西涼州無酒不典鸛鵲裘不作王猛傲睨坐
捫蝨不作竊戚悲歌起飯牛五雲覆鼎金丹熟雙鶴
飄然戲十洲

夏夜大醉醒後有感

少時酒隱東海濱結交盡是英豪人龍泉三尺動牛
斗陰符一編役鬼神客遊山南夜望氣頗謂王師當
入秦欲傾天上河漢水淨洗關中胡虜塵那知一旦

事大認騎驢劔閣霜毛新却將覆轡草撒手小詩點
綴西州春素心雖願老巖壑大義未敢忘君臣雞鳴
酒鮮不成寐起坐肝膽空輪囷

雨中登安福寺塔

平生喜登高醉眼無疆界北顧極幽并東望跨海岱
喟然撫手歎從古幾成敗英雄如過鳥城郭但遺塊
今朝上黑塔千里曠無礙忽驚風雲變勞坐竟天地晦
急雨挾龍腥溽暑為摧壞皇天念蟠鬱令我寄一快
那知書生狂自倚心眼大更思駐潼關黃河看如帶

怡齋

東湖仲夏草樹荒屋古無人亭午涼萱房微呀不見
日筍籜自解時吹香野藤蟠屈入牕罅濕菌扶疎生
屋梁跨溝數椽最幽翳漲水及檻雨敗牆靜涵青蘋
弄藻行閑立白鷺浮鷺鴦美藻雖瘦亦瀾漫照眼翠
蓋遶紅粧水紋玲瓏簾欲卷却月團素翳嬾後將天風
忽送塔鈴語喚竟清夢游瀟湘

投梁參政

浮生無根株志士惜浪死雞鳴何預人推枕中夜起
游也本無奇折腰百僚底流離鬢成絲悲咤淚如洗
殘年走巴峽辛苦為斗米遠衝三伏熱直指九月水
回首長安城未及便萬里袖詩叩東府再拜求望復
平生實易足名幸汗黃紙但憂死無聞功不掛青史

頗聞匈奴亂天意珍蛇豕何時嫖姚師大刷渭橋耻
士各奮所長儒生未宜鄙覆瓿草軍書不畏寒墮指

遊漢州西湖

房公一跌叢衆毀八年漢州爲刺史遶城鑿湖一百
頃島嶼曲折三四里小庵靜院穿竹入危榭飛樓壓
城起空濛煙雨媚松楠顛倒風霜老葭葦日月苦長
身苦閑萬事不理看湖水向來愛琴雖一癖觀過自
足知夫子畫船載酒凌湖光想公樂飲千萬場歎息
風流今不泯兩川名醞避鵝黃

醉後草書歌詩戲作

朱樓矯首盪八荒綠酒一舉累百觴洗我堆阜崢嶸
之骨次寫爲淋漓放縱之詞章墨翻初若鬼神怒字
瘦忽作蛟螭僵寶刀出匣揮雪刃大軀破浪馳風牆
紙窮擲筆霹靂響婦女驚走兒童藏往時草檄喻西
域颯々聲動中書堂一朝放迹忽十載西掠三巴窮
夜郎山川荒絕風俗異賴有酒美猶能狂醉中自脫
頭上幘綠髮未許侵微霜人生得喪良細事孰謂老
大多悲傷

追補漢太液黃鵠歌

建章宮裏春風寒太液水生池面寬中人馳奏黃鵠
下龍旗豹尾臨池看芹香凜暖鵠得意左右從官呼
萬歲須臾傳詔宴公卿驩聲如雷動天地時平宮省

樂遊多黃鵠羽涵恩波小臣珥筆龍墀下願繼前
朝天馬歌

晚步

院荒有古意僧少無人聲徘徊柳陰下賞此落日明
著書亦何急寂寞身後名今年復止酒歌舞陳空觥
不如且逍遙出門隨意行看竹入廢園望江上高城
纖纖素月出露々蒼煙橫此夕當復奇緱山吹玉笙

松驛行

驛行千里亦何得垂首伏櫪終自傷松關千年棄澗
壑不如殺身扶明堂士生抱材願少試誓取燕趙歸
君王閉門高臥身欲老聞雞相蹴淚數行正令啾嚅
死牀簞豈若橫身當戰場半酣浩歌聲激烈車輪百
轉盤愁腸

春夜讀書感懷

荒林杳獨嘯野水鵝群鳴我坐蓬牕下客以讀書聲
悲哉白髮翁世事已飽更一身不自恤憂國涕縱橫
衣懷天寶末李郭出治兵河北雖未下要是復兩京
三千同德士百萬羽林營歲周一甲子不見胡塵清
賊酋實尋主賊將非人英如何失此時坐待姦雄生
我死骨即朽青史亦無名此詩倘不作丹心尚誰明

日出入行

吾聞開闢來白日行長空扶桑誰能到崦嵫不可窮

但見旦々升天東但見暮々入地中使我倏忽成老翁
鏡裏衰顏垂雙蓬我願一日一百十刻我願一生
一千二百歲四海諸公常在座綠酒金樽終日醉
高樓錦繡中天開樂作畫鼓如春雷勸爾白日無西
頰常行九十萬里胡爲哉

夜漏欲盡行渡浮橋至錢清驛待舟

潮生抹沙岸雲薄漏月明江頭曉色動鴉起人未行
扶勢度長橋仰視天宇清遙憐繫舟人聽我高聲
水檻得小憩一笑拄杖橫燈灺弄清影微風吹宿醒
湛然方寸間不受塵事攪寄語市朝人此樂未易名

江月歌

放翁平生一釣船秋水未落江渺然露洗玉宇清無
煙月輪徐行萬里天人間聲利何足捐浩歌看月冷
不眠孤鶴掠水來翩翩似欲駕我從此仙我寓紅塵
今幾年倪首韁鎖常自憐樂哉揮手過月邊西風未
凋玉井蓮

和伯子

齋戒扣頭牋天公幸矣使我爲枯蓬枯蓬於世百無
用始得萬里乘秋風我生安然在貧賤白髮蕭々對
黃卷今人雖賢有不覲古人却向書中見猿啼月落
寒山空舊隱夢寐思東蒙不願我冠赤墀下且可短
劍紅塵中終年無人問良苦眼望青天唯自許可憐

對酒不敢豪他日空澆墳上土文章最忌百家衣火
龍黼黻世不知誰能養氣塞天地吐出自足成虹蜺
渡江諸賢骨已朽老夫亦將正丘首杜郎苦瘦帽攔
耳程子苦貧衣露肘君優着意尋齊盟始知衰懦畏
後生大篇一讀我起立喜君得法傳家庭鯢鵬自有
天池養莫謂大狂須束縛大機大用君已傳那遣老
夫安注脚

讀書

讀書四更燈欲盡膏中太華蟠千仞仰呼青天那得
聞窮到白頭猶自信策名委質本爲國豈但空取黃
金印故都即今不忍說空宮夜々飛秋燐士初許身
輦樓契歲晚所立慙廉藺正看憤切詭成功已復雍
容託觀釁雖然知人要未易詎可例輕天下士君不
見長松卧壑困風霜時來屹立扶明堂

澗谷精選陸放翁詩集卷之一



澗谷精選陸放翁詩集卷之二

古詩 二十二首

偶過浣花感舊遊戲作

憶昔初爲錦城客，醉騎駿馬桃花色。二人携手上江樓，一笑鉤簾賞微雪。寶釵換酒忽徑去，三日樓中香未滅。市人不識呼酒仙，異事驚傳一城說。至今西壁餘小草，過眼年光如電掣。正月錦江春水生，花枝闌處小舟橫。閑倚胡床吹玉笛，東風十里斷腸聲。

步出萬里橋門至江上

久坐意不懌，掩卷聊出遊。一節吾事足，安用車與騶。浮生了無根，兩踵躡百州。常憶航巨海，銀山卷濤頭。一日新雨霽，微茫見流求。西行亦足快，縱獵南山秋。騰身刺猛虎，至今血濺裘。命薄每自笑，校尉畧已侯。短劍隱市塵，浩歌醉江樓。頗疑暑博中，可與共奇謀。丈夫等一死，滅賊報國讎。徙倚萬里橋，寒日墮前洲。宿龍華山中寂然無一人，方丈前梅花盛開。月下獨觀至中夜。

梅花如高人，枯槁道愈尊。君看空谷豈比倚市門，我來整冠佩潔齋。三沐熏亦思醉花，下燕情恐瀆君敬。抱綠綺琴玄酒挹古博，月明流水間一洗世濁昏。夢寫香與影計君已厭聞，老我少傑思尚喜非陳言。臨別成都悵飲萬里橋，贈譚德稱。

成都城南萬里橋，蘆根蘋末風蕭蕭。映花碾草紅車

小駐坡，驚濤青驄驕入門。翠徑絕窈窕，臨水飛觀何岩堯。判無功名著不朽，惟仗詩酒寬無聊。清霜早已足，推兔微冷便欲思。孤貂喜看縷，瞻映盤箸恨欠斲。蟹加橙，椒坐中譚侯。天下士，龍馬毛骨矜超遙。烏犀白紵，謫仙樣，但可邂逅不可招。今年一戰馘餘子，風送六翮凌青霄。美人再拜乞利市，醉墨飛落生蛟螭。我衰於世百無用，十年不赴含元朝。華纓肯傍蕭娘鬢，寶帶那束龍鍾腰。祝君好去事明主，日望分喜來漁樵。遊談引類亦細事，寄酒且解相如消。

聽琴

疎簾曲檻，頽風涼細。腰美人，藕絲裳。綠藤水紋穿矮牀。玉指纖纖，彈復霜。高林鶯轉日正長。幽閨泉鳴夜未央。哀思不怨和而莊，有齋淑女禮自防。世人但感青樓倡，琵琶聲殘胡羌試聽一曲，醒汝狂文姬拍法傳中郎。

瑞草橋道中作

經年簿書無少暇，欸段今朝欣一跨。瑞草橋邊水亂流，青衣渡口山如畫。老翁醉着看龍鍾，小婦出窺聞。姪姪荒陂吹笛晚，呼牛古路倚梯晨。採柘殘花零落不禁折，香草半草如可藉。郵亭慈竹筍穿籬，野店蒲萄枝上架。功名垂世端有待，利欲昏心喜乘鐻。窮

自笑豈人謀閑放每欲從天借草根蟲語祇自悲風裏蓬征安稅駕祖師補塲浣花村會傍清江結茅舍

夜宿陽山磯將曉大雨北風甚勁俄頃行三百里遂抵鴈翅浦

五更顛風吹急雨倒海翻江洗殘暑白浪如山潑入船家人驚怖篙師舞此行十日苦滯留我亦盧叢厭鳴鑼書生快意輕性命十丈蒲帆百夫舉星馳電騖三百里坡隴聯翩雜平楚船頭風浪聲愈厲助以長笛槳鼓豈惟澎湃震山嶽直恐瀕洞連后土起看草木盡南飛水鳥號呼集洲渚稽首龍公謝風伯區區未禱煩神許應知老去負壯心戲遺窮途出豪語

航海

我不如列子神遊御天風尚應似安石悠然雲海中卧看十幅蒲驚鷺若張弓潮來湧銀山忽復摩青銅飢鶻掠船舷大魚舞虛空流落何足道豪氣蕩肺腑歌罷海動色詩成天改容行矣跨鵬背弭節蓬萊宮

江樓吹笛飲酒大醉中作

曲言九州外復有大九州此言果不虛僅可容吾愁許愁亦當有許酒吾酒釀盡銀河流酌之萬斛玻璃瓊舟酣宴五城十二樓天爲碧羅幕月作白玉鉤纖女織慶雲裁成五色裘披裘對酒難爲客長揖北辰相獻酬一飲五百年一醉三千秋却駕白鳳驟班虬下

與麻姑戲玄洲錦江吹笛餘一念再過劔南應小留

長歌行

我無四目與兩口但在人間更事久死生元是開闔眼禍福正如翻覆手消磨日月幾緲復陶鑄磨一盃酒既非徇馬要蓋惟那計風霜悴蒲柳龜突無煙今又慣龜蟬與我成三友判知青史無功名只用一飢垂不朽

開歲半月湖村梅開無餘

梅花如高人妙在一立聲林逋語雖工竟未脫纏縛乃知尤物側天下無傑作老我懷不紓樽前幾開落

一百五日行

一百五日東郊時陂塘水滿雨如絲人家青煙不禁火俚俗豈復思子推舊墳年多木已拱新墳積土高繫老鴉飛來復飛去紙錢雨濕掛樹枝深松茂栢死自樂地下應笑生人悲眼中青山身後塚此事決定君何疑風吹雲破日下照小灘碎礫光陸離停車暫憩道傍舍解囊且補殘春詩

對酒懷丹陽成都故人

勞生常羨曠髯樂死時却悔生時錯花前有酒不肯狂回首朱顏已非昨君看古來賢達人終日飲酒全其真世間萬事竟何有金樽翠杓差閑身放翁少日無閑客飛觴縱樂皆豪傑清歌一曲梁塵起腰鼓百

面春雷發故人仙去蓬萊宮鸞絲鳳竹舞春風石帆
山下孤舟雲一段清愁付此翁

卷客

人生各有營爲吏最無策其間小黠者但肯乘下澤
絕筆光範書掃迹翹材客早收畏途身未若歸阡陌
嗟予昧擇術誤計真累百衰容始知悔泯默每自責
孤舟寄渺莽尚恨江湖連客來勿多談窮命不禁赫

夏白紵二首

古中有四時白紵亦有止作一時者
丙申五月初五日在成都別署可畏戲作

雲母屏薄望如空水晶簾疎不凝風美人獨立何所
似白玉美渠秋水中素綃細織水蠶綾清寒不受人
間暑晚來浴罷綠牕閑自把新詩教鸚鵡
翔鳶矯々離風塵眼明見此絕代人紗櫳弄筆消永
日臨得黃庭新逼真飛樓縹緲今何夕月與玉人同
一色下簾不爲九霄寒自要玲瓏看團壁

故蜀別苑在成都西南十五六里梅至多有

兩大樹天矯若龍相傳謂之梅龍予初至蜀
嘗爲作詩自此歲常訪之今復賦此

昔年曾賦西郊梅茫々去日如飛埃即今衰病百事
嬾陳迹未忘猶一來蜀王故苑犁已遍散落尚有千
雪堆珠樓玉殿一夢破煙蕪牧笛遺民哀兩龍卧穩
不飛去鱗甲脫落生蟲苔精神每遇雪月見氣力苦
戰冰霜開羈臣放士取獨立淑姬靜女知誰媒摧傷

雖多奇愈厲直與天地爭春回蒼然老氣壓桃李笑
我白髮心尚孩微風故爲作嫵媚一片吹入黃金壘

芳華樓賞梅

素娥竊藥不奔月化作江梅寄幽絕天工丹粉不敢
施雪洗風吹見真色出籬藏塢香細々臨水隔煙情
脉々一春花信二十四縱有此香無此格放翁年來
百事情惟見梅花愁欲破金壺列置春滿堂寶髻斜
替光照坐百榼淋漓玉竿飛萬人辟易銀鞍過不惟
豪橫壓清臞聊爲詩人洗寒餓

遊仙

飄々鸞鶴杳難攀萬里東遊海上山應有世人遙稽
首紫簫餘調落雲間初珥金貂謂紫皇仙班最近玉
爐香爲憐未慣層霄冷獨賜流霞九醞觴玉殿吹笙
第一仙花前奏罷色凄然憶曾偷學春愁曲謫在人
間五百年

天王廣教院在戴山東麓予年二十時與老
僧惠迪遊畧無十日不到也浮熙甲辰秋觀

潮海上偶繫舟其門曳杖再遊恍如隔世
遊山如讀書深淺皆可樂道傍小精舍亦自一丘壑
凄涼四十年始復重看脚老僧逝已久講坐塵漠々
當時童子輩衰鬢亦蕭索掃壁觀舊題歲月真電電
文章卑不傳衣食窘如昨出門意惘然遶海渺孤鶴

登鵝鼻山至絕頂訪秦刻石且北望大海山

路危甚人跡罕至也

街頭旋買雙芒屨作意登山殊不惡蒼崖無緯竹鞭
逸崩石如墜松根絡繹憑高開豁快送目歷險崎嶇危
着脚川雲忽起兩蛟舞瀑水高吹萬珠落太巖空控
誰所剜絕壁峭立端疑削坡平或可容百人峽束僅
容飛一鶴蛇蹊爰々頭自眩鬼谷慘々神先愕秦皇
馬迹散莓苔如鑄非鑄鑿非鑿殘碑不禁野火燎造
物似報禁書虐人民城郭俱已非煙海浮天獨如昨

十月二十六日夜夢行南鄭道中既覺恍然
攬筆作此詩詩成時已五鼓

孤雲兩角不可行望雲九井不可度嵯峨之山高挿
天漢水泊々日東去高皇試劍石爲分草沒苔封猶
故處將壇坡陀過千載中野疑有神物護我時在幕
府來往無晨暮夜宿沔陽驛朝飯長木鋪雪中痛飲
百榼空蹴踏山林伐狐兔眈々北山虎食人不知數
孤兒寡婦誰不報日落風生行旅懼我聞投袂起大
呼聞百步奮戈直前虎人立乳裂蒼崖血如注從騎
三十皆素人面青氣奪空相顧國家未發度逾師落
魄人間像行路對花把酒學醞藉空辱諸公誦詩句
即今衰病臥在床振臂猶思備征成南人孰謂不知
兵昔者亡秦楚三戶

放翁詩集卷之二

澗谷精選陸放翁詩集卷之三

七言八句

雨晴遊洞宮山坐間復雨

近水松篁鎖翠微洞天宮殿對清輝快晴似爲醺醺
計急雨還妨燕子飛道士書開丹竈冷山童曉出藥
苗肥拂床不用勸留客我困文書自怕歸

醉中到白崖而歸

醉眼朦朧萬事空今年痛飲漢西東偶呼快馬迎新
月却上輕輿御晚風行路半生常是客丈夫八十未
稱翁亂山缺處如橫綫遙指孤城翠霧中

深居

作吏難堪薄領迷深居聊復學幽棲病來酒戶何妨
小老去詩名不厭低零落野雲寒傍水霏微山雨晚
成泥自憐甫里家風在小摘殘蔬遠廢畦

題丈人觀道院壁

斷煙浮月聲殘木影如龍布石壇偶駕青鸞塵世
窄閑吹玉笛洞天寒奇香滿院晨炊藥異氣穿岩夜
浴丹却笑飛仙未忘俗金貂猶着侍中冠

宿江原縣東十里張氏亭未明而起

寸廬驅人卒歲勞一官坐失布衣高劍南十月霜猶
薄江上五更雞亂號孤枕擁衾尋短夢青燈照影着
征袍客愁相續無時斷那得并州快剪刀

晚登橫溪橋二首

樓鼓聲中日又斜，憑高愈覺在天涯。
空桑客土生秋草，野渡虛舟集晚鴉。
瘴霧不開連六詔，俚歌相答帶三巴。
故鄉可望應添淚，莫恨雲山萬疊遮。

犖磳坡頭筇竹枝，西臨村路立多時。
賣蔬市近還家早，煮井鹽人忙下麥。
邊病客情懷怯酒，山城光景盡供詩。
晚來試問愁多少，只託高樓橫笛吹。

武擔東臺晚望

顓頊西嚮已一翁，登高意氣尚英雄。
關河霸國興亡後，風月詩人醉醒中。
病起頓驚雙鬢改，春歸一掃萬花空。
攔邊徙倚君知否，直到吳天目未窮。

待青城道士不至

我亦從來薄世緣，偶然來藥到西川。
慵追萬里騎鯨客，且伴十年化鶴僊。
金鼎養丹瞰海日，玉壺取酒醉江天。
朝來坐待方平久，讀盡黃庭內外篇。

學射道中感事

學射山前宿雨收，籃輿嶢輓自生愁。
得閑何惜傾家釀，漸老真須秉燭遊。
道廢尚書猶乞米，時來校尉亦封侯。
自怜白首能豪在，車轍何因遍九州。

登劍南西川門感懷

自古高樓傷客情，更堪萬里望吳京。
故人不見暮雲合，客子欲歸春水生。
瘴癘連年須藥石，退藏無地著

柴荆。諸公勉畫平戎策，投老深恩看太平。

城上

疾步登城殊未衰，欣然一笑擲筇枝。
正當閑似白鷗處，不減健如黃犢時。
秋野煙雲橫慘淡，暮天樓閣倚參差。
高吟醉舞忘歸去，乞與丹青畫怪奇。

早行

喔喔鳴雞促起程，鷗鷺導孤征。
旆旌盡脫歸猶遠，帶眼頻移瘦自驚。
小市蕭條黃葉滿，斷橋零落綠苔生。
居人猶復多愁患，何況天涯倦客情。

秋晚登城北門

幅巾藜杖北城頭，卷地西風兩眼愁。
一點烽傳散關信，兩行鴈帶杜陵秋。
山河興廢客搔首，身世安危人倚樓。
橫槊賦詩非復昔，夢覺猶繞古梁州。

醉中偶書

古寺閑房閉寂寥，幾年耽酒負公朝。
青山是處可埋骨，白髮向人羞折腰。
末路自悲終老蜀，少年常願從征遼。
醉來挾箭西郊去，極目寒蕪雉兔驕。

浣花賞梅

老子人間自在身，插梅不惜損烏巾。
春回積雪層冰裏，香動荒山野水濱。
帶月一枝低弄影，背風千片遠隨人。
石家樓上貪吹笛，肯放朝朝玉樹新。

蜀苑賞梅

十里溫香撲馬來江頭還見去年梅
喜開剩欲邀明月愁落先教掃綠苔
跌宕放翁新醉墨淒涼廢苑舊歌臺
盛衰自古無窮事莫向昆明歎劫灰

席上作

綠波盡染浣花船清簾簾角垂
一幅高巾林下客百壺春酒飲中仙
散懷絲管繁華地寄傲江湖浩蕩天
浮世升沉何足計丹成碧落珥貂蟬

客愁

騎馬出門無所詣端居正爾客愁侵
蒼顏白髮入衰境黃卷青燈空苦心
天下極知須雋傑書生何恨死山林
消磨未盡留中事梁甫時時尚一吟

送梅

零落梅花不自由斷腸容易付東流
與人又作經年別問月應知此夜愁
已是狂風卷平野不禁橫笛起危樓
何時小雪山陰路趣尋香繫釣舟

即席

解鞅名園眼倍明慙慙翠袖勸飛觥
海棠紅杏欲無色蛺蝶黃鸝俱有情
去日不留春漸老歸舟已具客將行
倦遊短鬢無多綠生怕樽前唱渭城

舟過小孤有感

小孤山畔峭帆風又見煙鬟縹緲中
萬里客經三峽路千篇詩費十年功
未嘗兩盜蒲芽白先看堆盤贍

縷紅商畧人生爲何事一簣從此入空濛

題齋壁

韋得湖邊屋數椽茅簷低小竹牕妍
煙寂歷歸村路山色蒼寒釀雪天
性懶杯盤常偶爾地偏雞犬亦翛然
早知栗里多幽事虛走人間四十年

夜行宿湖頭寺

卧載籃輿黃葉村疎鐘香燭隔溪聞
清霜十里伴微月斷鴻半行穿亂雲
去國不堪心破碎平戎空有膽輪囷
四濱樂不應如舊誰勒中原第一勳

雪後出遊戲作

小轡平岡雪陸離幽人又賦探春詩
典琴沽酒元非俗著發觀碑又一奇
大度乾坤容落魄多情風月笑衰遲
吾生也似梅花淡燕未歸來蝶未知

村居書觸目

雨霽郊原刈麥忙風清閭巷曬絲香
人饒笑語豐年樂吏省徵科化日長
枝上花空閑蝶翅林間葉熟滑鶯啼飽
知遊宦無多味莫恨爲農老故鄉

感昔二首

三著朝冠入上都黃封頻醉渴相如
馬慵立仗寧辭午蘭偶當門敢怨鋤
富貴尚思還此笏衰殘自合愛吾廬
燈前目力依然在且盡山房萬卷書

五丈原頭秋色新當時許國欲忘身
長安之西過萬